

ASUNTU NE'EBÉ PRESIZA TAU ATENSAUN

- ▶ Operasaun Konjunta PNTL – F-FDTL ba ‘grupu ilegal’
- ▶ Insidente violénsia entre joven a’as iha fulan Abril
- ▶ Mane ida ta’a mane seluk nu’udar karau nain to mate iha fatin

Operasaun PNTL – F-FDTL ba “grupu ilegal”

Iha fulan Abril Governu kontinua foti asaun atu taka no halo atuasaun ba ‘grupu ilegais’ hanesan Konsellu Revolusaun Maubere (KRM), Conselho Popular Demokrátiku–Repúblika Demokrátiku de Timor-Leste (CPD-RDTL). Iu husi Rezolusaun Parlamentu Nasionál No. 5/2014 no Rezolusaun Konsellu Ministru No. 8/2014.

Iha rezolusaun Konsellu Ministru No. 8/2014 instala koperasaun PNTL – F-FDTL hodi halo operasaun konjunta ba grupu ilegál sira, liuliu iha parte Distritu Baucau no Vikeké tamba membrus balun halai namkari no sei subar an iha área foho Matebian no balun fali sira nia família mak subar sira iha família ninia uma. ‘Eis’-membru grupu ilegais barak mak intrega an voluntariamente durante operasaun nomós entrega fardas, atributus no dokumentus grupu nian ba PNTL no F-FDTL. Sira mós reintegra an hikas ba sira ida idak nia Aldeia no Suku. Bazeia ba Belun nia monitorizasaun, iha lamentasaun husi comunidade iha Suku Sagadate, Subdistritu Laga, Distritu Baucau katak, durante operasaun konjunta ne’e akontese violasaun direitus umanus ne’ebé kometidu husi membru operasaun konjunta. Belun haforsa ba organizasaun sira ne’ebé halo monitorizasaun ba asuntu direitus umanus, durante operasaun ne’e nomós hato’o sujestaun atu profesionaliza liu tan habilidades instituisaun PNTL no F-FDTL, hodi kredibiliza instituisaun rua ne’e iha asaun no hetan konfiansa maximu husi comunidade.

Total Insidente fulan Abril 2014	
Distritu	Insidente
Aileu	4
Ainaro	4
Baucau	7
Bobonaro	1
Covalima	0
Dili	10
Ermera	4
Lautein	7
Likisá	4
Manatuto	3
Manufahi	1
Oekusi	7
Vikeké	6
Total	58

Insidente violénsia entre joven a’as iha fulan Abril

Monitorizasaun insidente iha fulan Abril 2014 hatudu katak, violénsia entre joven mak a’as liu, ho 40% (22 insidentes husi 58). Baku malu, provoka malu, asalta verbál, tuda fatuk no hemu tua lanu, kontinua sai hanesan meius violénsia ne’ebé ínsia dalabarak husi joven. Insidente violénsia entre joven barak liu mak akontese iha Distritu Lautein ho insidente 7.


Monitorizasaun hatudu katak, hemu tua lanu nafatin sai kauza violénsia iha comunidade nia le’et. Dalabarak insidentes ne’ebé envolve grupu joven no estudante sira akontese iha dalan públiku hanesan, Iha Suku Bekora, Subdistritu Cristo Rei, Distritu Dili, joven mane grupu ida hemu tua lanu hodi baku ema sira ne’ebé liu husi sira nia oin. Hafoin Polísia hetan informasaun husi comunidade mai hodi halo atuasaun, no joven mane grupu ne’e halo reasaun hasoru Polísia hodi lori fatuk tuda kareta patrulla PNTL nian rua rahun. PNTL konsege kaptura autores ne’e hodi submete ba investigasaun. Asaun violénsia husi joven mane grupu ne’e halo comunidade pániku no trauma, ho nune’e sujere atu Lideransa lokál hamutuk ho PNTL no mós Rede Prevensaun no Responde Konfliktu (RPRK) iha Subdistritu 43 iha Timor halo asaun ruma hodi asegura estabilidade Suku nian liu husi sosializasaun transformasaun konfliktu ba comunidade liuliu ba joven sira atu bele prevene asaun violénsia iha futuro.

Mane ida ta’a mane seluk nu’udar karau nain to mate iha fatin


Distritu Lautein, mane ida lori katana hodi duni no ta’a mane karau nain to’o kakorok kotu no mate kedas iha fatin. Motivasaun ba insidente mak mane ne’e atu na’ok karau mane matebian nian, tanba mane karau nain ne’e hare hetan mane ne’ebé na’ok ne’e, mene ne’e moe hodi lori katana ta’a mate mane karau nain. Insidente ne’e halo comunidade animál nain trauma no tauk ba situasaun ne’e atu labele kona mós sira. Komunitade senti la seguru ho atitude asaun husi mane ida na’ok karau, ne’ebé hamate mós animál nain. Polísia konsege kaptura mane autor ne’e no submete ona kazu ne’e ba iha Ministériu Públiku hodi hein prosesu kontinuasaun. Belun sujere mós katak ho insidente ne’e, Polísia komunitária, Konsellu Suku de suku sira no comunidade bele tau seguransa hamutuk ba Suku ida ida hodi bele prevene asaun naok, no asaun krime seluk ne’ebé mak akontese iha Aldeia , Suku ka Subdistritu.

KARATERÍSTIKA INCIDENTE


Totál incidente ne'ebé reporta husi (Abril, 2013)




Tipu violénsia




Fatin Incidente



Metode Violénsia



Se mak Hahu/halo Violénsia




Saida Mak Ema Hahu Violénsia Nia Jéneru




Se Mak Vítima Nia Jéneru



Impaktu



Se mak Responde



Atividade Ne'ebé Hala'o Husi Ekupa Mediasaun no Rezulusaun Disputa (MRD)

- Iha 7 Abril 2014, ekupa MRD hala'o enkontru ho autoridade lokál Suku Vila Verde, SubDistritu Vera Cruz, Distritu Dili hodi halo dezeminaisaun kona-ba informasaun mediasaun no rezulusaun ba disputa rai;
- Iha 8 Abril 2014, Ekupa MRD hamutuk ho lideransa Diresaun Nasionál Terras e Propriedade e Servisu Cadastrais (DNTPSC) Distritu Dili, hala'o sosializasaun kona-ba mediasaun no rezulusaun disputa rai ba Autoriedade Suku hamutuk ho komunidade iha Suku Hera, Subdistritu Cristo Rei;
- Iha 8 Abril 2014, Ekupa MRD ho ekupa Departamentu Terras e Propriedade e Servisu Cadastrais (DTPSC) Distritu Mantuto, fasilita mediasaun ba disputantes rai privadu, iha Aldeia Malarahun, Suku Ailili, Subdistritu Manatuto. Parte deklarante primeiru komposta husi pesoa nain 6 no reklamante nain ida. Solusaun ba mediasaun ne'e mak parte reklamante entrega rai ne'ebé nia hela ba parte deklarante primeiru;
- Iha 9 Abril 2014, Ekupa MRD, fasilita mediasaun ho koopera ho Departamentu Terras e Propriedades e Servisu Cadastrais (DTPSC) Distritu Manatuto, ba disputante rai privadu iha Aldeia Obratu, Suku Sau, Subdistritu Manatuto. Parte disputante nain 7, disputante rai privadu (Grupu primeiru disputa kompostu husi pesoa nain 5 (Deklarante primeiru) no grupu seluk konsiste husi nain rua (Reklamante). Solusaun ba disputa ne'e mak parte deklarante entrega rai ba parte reklamante no konkorda mós atu halo divizaun ba parsela;

Atividade Ne'ebé Hala'o Husi Ekupa Atensaun no Responde Sedu (AtReS)

- Iha 24 Abril 2014, Programa AtReS liuhusi Rede Prevenaun no Responde Konfliktu (RPRK) subdistritu Maubara realiza Semináriu Pre – Dekonsentrasaun ba Munisipiu iha Distritu Likisá, Subdistritu Maubara, hamutuk ho autoridade lokál no repezentante komunidade. Oradores mak Diretór Komisaun Instaladora Munisipiu Distritu Likisá, Komandante Polisia Distritu Likisá, Xefe Terras e Propriedade e Servisu Cadastrais Distritu Likisá, direktór NGO Belun. Semináriu ne'e ho objetivu foku liu ba dezimina informasaun husi parte competente ho topiku Hamutuk Ita Kontribui ba Dezenvolvimentu Nasuan liu husi Haklean Koñesimentu ba Pre- Dekonsentrasaun iha Subdistritu Maubara. Objetivu seluk husi seminariu ne'e mak dezemina no konsolida komunidade hodi simu prosesu instalasaun munisipiu iha Distritu Likisá.

- ▶ Iha 25 Abril 2014, programa AtReS hala’o sosiálizasaun kona-ba sosiál media ligadu ho prevensaun konfliktu, apresentasaun rezultadu monitorizasaun periodu Juñu – Setembre 2013 nian ba Estudante klase paralel UNPAZ no RPRK iha Subdistritu Maubara, Distritu Likisá.

REKOMENDASAUN

Sua Exelénsia Presidente da República de Timor-Leste

- ▶ Haforsa Instituisaun F-FDTL no PNTL ba investigasaun klean asuntu violasaun direitus umanus durante operasaun konjunta ba grupu ilegais sira iha baze.

Polísia Nasionál Timor-Leste (PNTL) no Falintil – Forças Defesa de Timor Leste (F-FDTL)

- ▶ Identifika no halo investigasaun profundo ba oknum membru PNTL no oknum F-FDTL ne’ebé halo violasaun direitus umanus durante operasaun konjunta no atuaun ba grupu ilegais
- ▶ Valoriza no Profesionaliza nafatin abilidade atuaun massa PNTL nian hodi eleva a’as asuntu direitus umanus iha terenu.

Conselho Nasionál Juventude Timor Leste (CNJTL)

- ▶ Halo sosiálizasaun transformasaun konfliktu ba área sira ne’ebé mak akontese insidente violénsia entre joven , hodi hakbi’it koñesimentu no hamenus insidente entre joven.

Lideransa Lokál

- ▶ Hamutuk ho Polísia komunitária no koopera ho comunidade sira iha Suku ida idak liuliu fatin ne’ebé mak risku ba asuntu Ninja hanesan iha SubDistritu Vemasse, Distritu Baucau nian hodi asegura seguransa ba comunidade no prevene ema deskoñesidu labele na’ok comunidade ninia sasan no halo asaun krime hasoru comunidade.

KONA-BA REVISTA NE’E

Revista situasaun ne’e relata kona-ba asuntu xave relasiona ho insidente violénsia no tendensia husi koleksaun dadus monitorizasaun liu husi sistema *Atensaun no Responde Sedu* (AtReS) Timor-Leste durante Abril 2014. Sorin seluk, konteúdu tomak iha revista situasaun ne’e la reprezenta doadores nia opiniaun, Belun esforsu atu fahe informasaun ne’ebé up-to-date no serteza. Hanoin katak situasaun bele hetan mudansa ho lalais, ami agradese no simu informasaun seluk ne’ebé bele karifika ka update dadus ne’ebé ami iha liu husi AtReS. Sorin seluk, konteúdu tomak iha revista situasaun ne’e la reprezenta doadores nia opiniaun,

Marilia O. da Costa, Manajer programa AtRes: bylah.belun@gmail.com (+670 7727 6671)
Pedro de Araujo dos Santos, Oficial Política Publiku: pedroa.belun@gmail.com (+670 7700 1421)